

enhavo

tra la lando

Alexis Otero Castellón

Ni rigardas antaŭen

havano vokas

kultura panoramo

Maritza Gutiérrez González

El la zamenhofa trezorujo

pri movado senhalta

Héctor Jiménez Batista

Ĉu revo aŭ realo?

Héctor Jiménez Batista

Alvoko al Esperanto-instruistoj

Alexis Otero Castellón

Ni iras al Camagüey

noticoj

Alexis Otero Castellón

Faktoj skribiĝas majuskle

Alexis Otero Castellón

Alia vizito de la Pastroj


Maritza Gutiérrez González

El la Seula kongreso

Dua Nacia Kongreso de KEA. Unua bulteno

havano, la 15-an de dec. 1994,
n-roj 1-4/94. aperas kvar foje
jare (sed ĉi jare, unufoje).
eldonas kuba esperanto-asocio,
pf.: 5120; 10500 havano, kubo.
telef.: 40-1364, fakso: 53 (7)
338729. ĉefredaktoro: alexis
otero castellón. kunlaboris:
maritza gutiérrez, héctor ji-
ménez, roberto molina, alberto
rodríguez. grafike aranĝis:
juan ramón rodríguez. prezo po
ekz: 0.50 cup (enl.), 2.00 nig
aŭ 2 irk. (eksterl.), pagendaj
al kea-konto ĉe uea: keaux-u.
subskribitaj artikoloj esprimas
la opinion de ties aŭtoroj.
ĉiuj rajtoj rezervitaj. repro-
duktado permesata. (bv. indiki
la fonton kaj sendu du ekzem-
plerojn al la redakcio.)

Kuba Esperanto- Asocio



estimataj:

kiam, kadre de la septembra estrarkunsido vicis punkto pri informado, mi devas konfesi ke mi iom tremis arbofolie. Tion motivigis la ne aperigo de tiu ĉi Oficiala Asocia Organo.

Estas ja vero ke de antaŭ tro da tempo, *Avanco* stagnas pro diversaj kialoj. Manko de papero, inko, taŭga ilaro, ktp, kaŭze de la speciala periodo.

Sugestite de la Nacia Estraro, mi decidis ŝarĝi la krucon. Sen tro multaj pretendoj, mi celis kompiladon de interesajoj por havi almenaŭ numeron resumanta la tutan jaron.

Nu, jen ni enmanigas ĝin al vi: ĉu vi ŝatas ĝin aŭ ne, ĉu vi trovas ion novan, estas via respondeco tion sciigi. Beziras al vi informivan legadon, via redaktoro,

Alexis

Malgraŭ ĉio...

Ni rigardas antaŭen

Alexis Otero

La speciala periodo ĉe ni pludaŭras kontraŭ niaj revoj kaj esperoj. La insulo plej granda el la antilaro ŝajne rolas ŝipon kies stirantoj manovras por malebligi la alfundiĝon.

Vid-al-vide, la rifoj ne haltas minaci, malhelpi kaj samtempe kuntreni naivulojn per diversaj allogaĵoj. Tien kuradis jam kelkmiroj kiuj forlasis la navigilon per flosaĵoj, en la kadro de senespera danco. Dume, la ankoraŭ ŝipanojn spronas la ŝanceliĝo, pri kiu la eĉ plej rajtigitaj meteologiistoj ne kuraĝas antaŭprognozi ĉesigon.

La jaro 1994 elstaros eterne kiel la eble plej malfacila por la enlandanoj.

Meze de tioma fasko da problemoj kaj materiaj mankoj, Kuba Esperanto-Asocio festis sian 15an jariĝon. Ke ni ne dormas en "valenciĝo" montris la serion da bone organizitaj aranĝoj kiuj efektiviĝis dum la jaro tra la tuta lando.

La unua el ili okazis en provinco Sancti Spiritus kiam januare imponis tie komitatata kunsido, neniam forgesebla pro la atingitaj rezultoj, kaj pro la sindonemo kaj oferemo far la lokaj movadanoj.

Kadre de la ekonomia situacio kreita pro la jam pli ol trijardeka usona blokado, amikaj manoj etendiĝis kaj la Asocio estis reprezentita en la Seula UK kaj en la ILEI-Konferenco.

Sur la ŝipo ni tenis pli firme la ferdeklarilojn kaj nenio baris la efektiviĝon de sukcesaj Seminario pri instruado, Labortago de E-medicinistoj, Centra Solenaĵo kaj Kultura Vespero, ĉio ĉi okaze de la 15-a Jubilea Jaro. Estis krome faritaj dekoj da samaj kaj alispocaj aranĝoj laŭlonge de la kariba kajmano.

Ke pinaranoj, ĉe la okcidenta ekstremo de la insulo, planite sed aventurplene,

vojaĝis al Santiago de Kubo, ĉe la ekstremo orienta, cele al ĉeesto en la ĉia datrevena aranĝo, parolas pri la emo optimismi de nia tuta asocianaro. Kaj la santiagoanoj poste reciprokis.

La informa kampanjo, same plenumita, per partopreno en radiaj, televidaj kaj kulturaj programoj en preskaŭ ĉiu opa provinco, rolas konvinkigan termometron pri tio.

La malfrua apero de nia modesta informilo *Noktuo*, estis iomete kolizia sed je la fino devenis en nura ligilo inter la aliĝintoj kaj la estraro. Ties hispanlingva versio por la gazetaro, resumas la perditan grundon post la ege sukcesa rikolto de la jaro 1990, rilate al informado. Pri tio, ni ja konscias ke, ankoraŭ ne estas elĉerpitaj ĉiuj rimedo-ebloj kaj ke, certe ni devos starti pli agreseman kampanjon tiuelan.

Rilate al financoj, KEA ne fartas tion malbone. Tamen, ni ne luksu perdi milimetron en tiu kampo. Endas je frapo la pordoj kie troviĝas kotizoj; ni neore allogu kiel eble plej multajn homojn aliĝi al kategorio *Membro subtenanto*... sed poste, honvole, atenti ilin. Kelkfoje funto da fazeoloj valoras pli ol tuno da diplomoj kaj kaj publikaj rekonoj.

Kaj jen kaj jen, niaj homaj fortoj kun tion multaj taskoj surŝultre, vivigas la kuban provincon de Esperantio, kun granda entuziasmo kaj deziregoj.

Eble ni atentigu ilin pri la neceso persiste plialtigi ĉies lingvan nivelon tiel ke ni fine haltigu la disdialektiĝon, bedaŭrinde konstateblan. Legi kaj relegi, analizi artikolojn, kundiskuti, demandi sentima... Poluriĝi pli kaj pli, iel kontribuos al forigo de tiu problemeto. Korespondado internacia ankaŭ ludas sian rolon en la flanko skriba kaj ortografia sed ĉar ni necesas parolantojn, ne gramatikantojn, la ĉiama instigo fokusiĝas al la verboj *paroli kaj praktiki*.

Nun, ni celas pli altan ŝtupon, temas pri la efektiviĝo de la 2-a Kongreso de KEA en marto de 1996. Jam ni oleumas la motoron tiucele, sen troa bruo, sed kun la certeco ke, ankaŭ tion ni sukcesigos por *daŭre rigardi antaŭen*...

Malgraŭ ĉio.

havano vokas

La 11an de septembro la E-redakcio de Radio Havano Kubo fariĝis ses jaraĝa. La catrevenon festis la skipo kun granda plezuro pro la seĉesa laboro por elsendi ĉiu dimanĉe duonhoran programon. La skipo tre kontentas pro la regula ricevado de leteroj, poŝkartoj kaj periodaĵoj uzataj kiel informfonto. Interesitoj pri specifaj temoj sendu leteron al: *esperanto redakcio, pf 6240, Havano, Kubo.*

Jen la horaro kaj frekvencoj:

HORO UTC	M	KHZ	REGIONO
7.00	49	6195	Okcidenta Norda Ameriko kaj Pacifika Azio
15.00	31	9550	Tuta Ameriko kaj Karibio
19.30	25	11720	Eŭropo kaj Mediteraneo
22.00	25	11720	Eŭropo kaj Mediteraneo
23.30	25	11760	Tuta Ameriko kaj Karibio
	31	9550	
	49	6195	



Reagoj estas tre bonvenaj kaj necesaj por plua elsendado. Ni daŭre petas vian subtenon kaj antaŭdankas pro ĉia kunlaboremo.

Maritza Gutiérrez
la RHK-redaktorino

EL LA ZAMENHOFA TREZORUJO

Maritza Gutiérrez

Tiel hazarde venis en miajn manojn tre maldika broŝureto eldonita de Japana E-Libro Kooperativo. Ĝi enhavas kolekton de Zamenhofaj paroladoj okaze de diversaj kongresoj kiujn Zamenhof partoprenis en Bolonjo-sur-Maro, en Kambriĝo, Dresdeno, Barcelono, Vaŝingtono, Antverpeno kaj Krakovio. La libreto enhavas kiel aldonajon la Deklaracion pri E-ismo kaj Homaranismo.

Ĉiu esperantisto kiun interesas enprofundi siajn konojn pri la celoj, ideoj kaj esenco de la E-movado, devas lraleci tiun kolekton de Zamenhofaj paroladoj. Ĝi atingoblas

pere de simpla prunto de la biblioteko "Rufino López" de KEA. Dume, tre utilas koni kelkajn ideojn diskonigitajn de la Magistro jam en la fruaj jaroj de tiu ĉi jarcento, kiuj tamen daŭre montriĝas validaj kaj fundamentaj, se ne unikaj, en la agado de la Esperanto-movado.

Okaze de la Dua Kongreso Esperantista okazinta en Genevo, la 28an de aŭgusto 1906, Zamenhof esprimis: "Ni ne estas tiel naivaj, kiel pensas pri ni kelkaj personoj; ni ne kredas, ke neŭtrala fundamento faros el homoj anĝelojn; ni scias tre bone, ke la homoj malbonaj

kultura panoramo

ankaŭ poste restos malbonaj; sed ni kredas, ke komunikado kaj konatiĝado sur neŭtrala fundamento forigos la grandan amason de tiuj bestaĵoj kaj krimoj, kiuj estas kaŭzataj ne de malbona volo, sed simple de sinnekonado kaj de devigata sinmaltrudado".

En alia momento, kiam Z. energie defendadis la ideon esperantisman, li esprimis: "Se nin, la unuajn batalantojn por Esperanto, oni devigos, ke ni evitu en nia agado ĉion idean, ni indigne disĉiros kaj bruligos ĉion, kion ni skribis por Esperanto, ni nenigos, kun doloro la laborojn kaj oferojn de nia tuta vivo, ni forĵetos malproksimen la verdan stelon, kiu sidas sur nia brusto, kaj ni ekkrios kun abomeno: kun tia Esperanto, kiu devas servi ekskluzive nur al celoj de komerco kaj praktika utileco, ni volas havi nenion komunan!".

Estas vero, ke la tempoj de Z. estis tute aliaj, sed estas ankaŭ realo ke multaj

el liaj timoj kaj travivaĵoj restas aktualaj; ĉar la mondo militas, ĉar la homoj postcasas praktikajn profitojn, ĉar vivo per sia rajdanta ritmo puŝas homojn al celoj rutinaj kaj konsumismaj, por tio, do esencas konkretaj rezultoj, ĉiam venkoj: kaj estas fakto ke ĉio ĉi negative influas la evoluon de Esperanto, kiu devas konstante transalti ĉiajn obstaklojn dismetitajn ie ajn de la vivo moderna.

Tamen, reirante al Zamenhof ni komprenas pli profunde la kialojn de lia vivo, kiu estis vere altrudisma kaj lasis al ni heredaĵon uzeblan por celoj noblaj, sed ankaŭ malnoblaj. Do, vera esperantisto ne lasu sin vori de praktikismo, malgraŭ ĉio! Neniam, ni forgesu ke kiel Zamenhof mem diris: "Ĉiuj ĝatis Esperanton ne tial, ke ĝi alproksimiĝas reciproke la korpajn de la homoj, sed ne tial, ke ĝi alproksimiĝas la cerbojn de la homoj, sed nur tial, ke ĝi alproksimiĝas iliajn korojn."

kultura panoramo

Konsidere al la granda reago kiu montriĝis naciiskale por ĉi tipa kurso, ni entuziasmiĝis. Temas pri granda potencialo da homoj enkorpiĝontaj al la Asocio vivo. Ni cerbumu iomete kiujn problemojn ankoraŭ solvendas por sukcesigi ĝin estontece.

Unualoke, ni diru ke, kvankam ni ricevis plurajn leterojn petintaj informojn flanke de homoj interesitaj (549 ĝis decembro 1993), la fina rezulto ne estas tre kontentiga. El ili, nur 127 decidis oficiale enskribiĝi en la kurso kaj do, membriĝi

zonataj materialoj.

- 3.- Okazis problemoj, ankaŭ, kun la sendado de postĝiroj tial ke pluraj kurrieraj oficejoj ne konsentas sendi ilin kontraŭ 2.00 kubaj pesoj nur.
- 4.- La malbona funkciao de

Perkores

Ĉu revo

al la Asocio. Post analizi tiajn rezultojn kaj ties eblajn kialojn ni venis al la jenaj konkludoj:

- 1.- Multaj interesitoj estis duonmotivitaj aŭ perdis la intereson, post ricevo de la enkonduka leciono, kion ni sendas al ili tute senpage.
- 2.- Manko de sufiĉaj lerumaterialoj nieflanke. Tio, de la komenco mem devigis nin prokrasti ĝian sendadon. La reago al la kurso estis multe pli granda ol ni atendis. Sekve venis kromaj problemoj kun la pasado kaj reprodukto de la be-

Héctor

la poŝto plendiĝis multajn interesitojn, pro manko de reago al ilia peto flanke de KEA, dum ni ricevis nenion. Evidentiĝas ke la sekcio ne atingis multaj korespondantoj flanke de la interesitoj, kvankam ili certigis ĝian sendadon.

lo senhalta

Aliflanke, ni bedaŭras la troan fidon je la ordinara poŝto. Ĉi lasta aspekto penisgis nin aliaĵi la vojon por ke la PKK fakte frapu la pardon de ĉiu intereso.

Sekve, la strategio por suk-

onda kurso

aŭ realo?

Jizénez

cestiĝi niajn celojn estu tute alia. Tiel, kie ekzistas M-Filio ni decidis krei, reton de ILFI-representantoj. Ĝia ĉefa okupiĝo estus roli peranton de la PKK en la teritorio, kaj en najbaraj lokoj kie ankoraŭ ne ekzistas filioj.

Tiel la Instrua Fako de KEA,

kiu respondetas pri ĝi, ne plu atentus rekte la opajn interesitojn. Ĉi kaze, la ILFI-representanto ricevos per registrita poŝto, la korrespondaĵojn, sendotajn de Havano. Tiu persono disdonos aŭ dissendos ilin laŭ okaze.

Ankaŭ la ILFI-representanto enpezos la tutan monon pro koncepto de botikoj kaj lernomaterialoj de la enskribiĉintoj. La homo sendos la koncernan procenton al la Instrua Fako. Tio ankaŭ helpos solvi la problemon menciitan en la punkto 3.

Tiu proceduro stimuliĝos la

filiojn atente prizorgi ĝian korektan funkciadon. Ĉerte oni laboros en ĉiu municipa celo al plialtigo de la nombro de eblaj aligantoj.

Aliflanke, ĉiu reprezentanto de ILFI diskonigos inter la PKK-kursanoj la monatan programon de aranĝoj, kiujn ili rajtas partopreni por senti sin pli aktivaj roluloj de la Asocio vivo. Se ĉiu funkcios tiel espereble, ni povas certigi, ke la Perkorrespondanda Kurso transiros firme kaj sukcese, al reva idealo al kontentiga kaj feliĉiga realo.

Alvoko al Esperanto-instruistoj

Héctor Jiménez

Cu vi konas ILEI? Ĝi estas la faka organizaĵo pri edukado kaj instruado. Ĝi havas ĉian ĵuran sidejon en Respubliko San-Marino, kaj sekciojn en granda nombro da landoj.

La celo de ILEI estas edukado al la estimo de la homo kaj interkomprenigo inter la popoloj. Inter la taskoj por atingi tiun celon ni povas menci:

ALIBILO AL LA KUBA SEKCIO DE ILEI

Nomo kaj familinomoj de la instruist(in)o:

Privata adreso:

Konstanta identokartnumero:

Privata telefonnumero:

Laborejo:

Laboreja adreso:

Laboreja telefonnumero:

De kiam vi instruas Esperanton?

Cu vi nuntempe instruas?

Se jes, kiun nivelon vi instruas?

Nomo de la lernejo:

Adreso de la lernejo:

Sendu la plenkigitan demandaron al:

Héctor Jiménez Batista

Landa ILEI-Sekciestro

postfako 5120

La Habana 10 500

- a) Unuigi instruistajn Esperanto-organizaĵojn en la mondo, cele al sistema laboro por la enkonduko de Esperanto en ĉiajn sistemejojn.
- b) Atenti, esplori kaj analizi la pedagogiajn problemojn en la instruado kaj edukado kaj labori por la solvo de tiuj problemoj.
- c) Organizi intersangojn de sportoj el la pedagogiaj sciencoj kaj praktikado por plibonigo kaj modernigo de la E-instruado.
- e) Organizi pedagogiajn konferencojn kaj laborkunvenojn.

La statutoj de ILEI rimarkigas ke ĉiu persono kiu rekonas la statuton, okupiĝas pri edukado k./aŭ instruado, povas membriĝi.

ILEI havas oficialan organon, *Internacia Pedagogia Revuo* IPR. Tiu revuo aperas kvarfoje jare, kaj ĉiuj membroj ricevas ĝin. En nia lando jam oni fondis la Kuban ILEI-sekcion. La jarkotizo estas \$15.00, kaj inkluzivas la abonon al IPR. Rilate al la pago de la jarkotizo ni sciigos vin, kiam ni ricevos la informon flanke de ILEI. Novaj interesitoj, bonvolu pleniĝi la ĉi kunan aliĝilon.

12a Komitatkunsido

Ni iras al Camagüey

Alexis Otero

La unua kunsido de la jaro, kutime vekas la atenton de multaj kaj laborigas ankaŭ plurajn. Krome, post la okazigo de nepre lasas spuron neforgeseblajn al la partoprenintaro.

Temas pri la Komitatkunsido, ĉi jare okazonta en urbo Camagüey. Ĝi estas pitoreska vilaĝo situanta oriente de la ĉefurbo. Ankaŭ oni konas ĝin kiel urbo de la kruĉegoj.

Tiu urbo jam foje gastis la Komitaton. Tio okazis en la jaro 1989, sed ĉar estas politiko de KEA, stimuli la laboron de la plej elstaraj filioj, pasintjare la komitatanoj decidis transdoni la lokon unu plian fojon al tiu filio.

Ladislao Garcia kaj la teamo de entuziasmoj lin akompanantaj, meze de decembro raportis ke, preskaŭ ĉio estis preta por akcepti la komitatanojn kaj prezenti dignan arandon, malgraŭ la de ĉiuj konataj malbonfancoj. Ĉar daŭre ili agadas stabile, cere al tiu esperantistejo, la Komitato plene fidis je la glata marŝo de ĉiuj organizaj kaj alispekaj demandoj.

Se temi pri solidareco

Faktoj skribiĝas majuskle

Alexis Otero

Ni tre ĝojas publikigi la tekston de la ĉijara informa folio kiun eldonis KUUK. La teksto mem bildigas kio ĝi estas kaj kion ĝi celas. Tial, pluaj enkondukaj paroloj malmankas. Tamen, ni profitas la okazon por tutkore danki la opajn organizantojn, apogantojn kaj simpatiantojn de grupo demons-

trinta ke, kiam staras vere profundaj konscio kaj deziroj, nenio bremsas la komunikigon kaj komprenigon interhoman. Nepras sendi specialan saluton al la amike tenera kaj abele senlaca S-ino Ana Montesinos de Gomis, kiu okupiĝas pri la ĉefaj respondecoj en la kadro de la grupo.

KUUK: Kubanoj al Universalaj Kongresoj

KUUK estas iniciato kiu komenciĝis en februaro, pasintjare, en Londono (Britio) por, kiel ĝia nomo diras, ebligi kubanojn ĉeesti Universalajn Kongresojn.

Ni ja scias ke multaj aliaj landoj ankaŭ havas malfacilaĵojn kaj ke ankaŭ ili meritas helpon, sed ni deci-

dis koncentriĝi en nur unu kaj elektis Kubon pro la jenaj kialoj:

Ni konsideras ke en la kazo de Kubo ne temas pri individuaj homoj kiuj ne havas la rimedojn por vojaĝi, sed sed ke la tuta lando estas punata politike, ekonomie kaj finance pro la fakto ke

noticoj

ili —malgraŭ la pli kaj pli gravaj malfacilaĵoj kaŭzitaj grandparte de la daŭra kaj kruela bojkoto de Usono, la nuna preskaŭ ne ekzistanta komerco kun la eks-Sovetio kaj aliaj orienteŭropaj landoj, kaj la malintereso de la mondaj registaroj — ankoraŭ kaj energie prave demandas per si mem la rajton memdecidi pri sia sendependependeco kaj sia estonteco sen premoj el ekstere. Bedaŭrinde tio ŝajnas troa provoko farita de malforta lando al la preskaŭ ĉiopova norda najbaro, nome Usono.

Aliflanke, Kubo havas tre fortan kaj viglan esperantistaron kiu tre efike kontribuas per trafa kunlaboro al la antaŭeniro de Esperanto certe en sia propra lando sed ankaŭ kaj tre rimarkinde en la movado ĝenerale.

Do, KUUK vidas kiel sia tasko ne simple doni al la kubanoj, sed multe pli precize ebligi al ili kontribui al la tutmonda Esperanto-Movado por la profito de ni ĉiuj.

Se ankaŭ vi konsentas kun nia celo, ni esperas ke vi, laŭ via ebleco, ankaŭ kontribuos al ĝi, ĉu per financa helpo, ĉu disvastigante ĝin inter viaj korespondan-

toj, en via loka aŭ nacia Esperanto-gazeto, ktp. esperante ke iun tagon la ekzistado de KUUK jam ne necesos.

—Por pliaj informoj: kontaktu KUUK
tel. (44)-(0)71.736.2046
Ana Montesinos de Gomis
82 Waterford Rd. London
SW6 2DR. BRITIO.

—UEA daŭre kolektas monon por KUUK, de la konto "kuuk-j".

—En Britio, ni havas novan bankkonton:
KUUK/bankokonto-n-ro 716.8564
Lloyds Bank plc.
Walham Green Branch,
472 C Fulham Rd.,
London SW6 1DD. Britio.



Alia vizito de la Pastroj

Alexis Otero

Solidareco estas multflanka kaj eble, estontece, Kubo povas esti la lando kiu akumulas plian sperton pri solidarecaj aferoj. La fakto ke dum pli ol tridek jaroj la lando eltenis senhoman blokadon, ne perdinte la dignon kaj senhalte konstruas sian specialan socian projekton, estas io, kion pluraj personoj kaj institucioj en la mondo, ne nur agnoskas, sed ankaŭ deziras koni kaj partopreni en la helpajn misiojn.

De eŭropaj infanoj, kiuj sendas lerneajn ilojn por siaj kubaj homologoj, pasante tra medikamentoj, papero, transportiloj ĝis biblioj, la solidareco al Kubo montris al amikoj kaj malamikoj de la insulo kiom edifas la sinteno de unu popolo kaj kiel tio unuigas volojn, sentojn kaj praktikajn sintenojn.

Kaj ĉi okaze, ĉio dirita estas konforma kun la lasta

vizito kiun faris al Kubo la Pastroj por Peco, organizaĵo de usonaj religiuloj, kiuj defiantaj ĉiujn malpermesojn starigitajn de la usonaj administracioj, periode vojaĝas al Kubo portantaj solidaran kargon je amo kaj espero

Kiel kutime, la delegacion kapis pastro Lucius Walker, kiu je la alveno al Havano, esprimis al la kuba gazetaro ke ankoraŭ daŭras la apogo de la organizaĵo por la lukto de la insulo kontraŭ la usona blokado. Krome, li esprimis optimismon pro la migraj interkonsentoj subskribitaj inter Havano kaj Vaŝingtono.

Ĉi okaze, la pastroj demandis pri la efiko de la lastaj aranĝoj de ekonomia premo adoptitaj de la Blanka Domo, kiel la malpermeso ke kubanoj rezidantaj en usono sendu monon al ties familiajnoj en la insulo.

Lucius Walker, Direktoro

de la Projekto Pastroj por Paco, kiu jam organizis kvar karavanojn de homa helpo, klopodos komuniki siajn spertojn al la nuna usona prezidento, al registaraj funkciuloj, kongresanoj kaj ankaŭ al la usonaj eklezioj.

La episkopo José Antonio Ramos, konsideris tre pozitivaj la primigrainj interkonsentojn kiujn subskribis reprezentantoj de la du landoj, sed ankaŭ li konsideras solvenda tio, kion li nomis ĉefan problemon en la ambaŭflankaj rilatoj: la fino de la blokado.

La opinio de Episkopo José Antonio Ramos, ankaŭ subtenas la ceteraj membroj de la projekto, kiuj krome, opinias ke en Usono oni ne scias ke, malgraŭ la ekonomiaj malfacilaĵoj travivat-aj de la karibia insulo, ekzistas amasa sektoro de la loĝantaro kiu apogas la proceson regantan en la lando.

Pastroj por Paco, unu plia organizaĵo en Ameriko kaj en la mondo, kiun impresas la eltenado de la kuba popolo antaŭ senmerita puno, konsideras ke, tagoj venos en kiuj nur unu registaro devigos al Kubo la malamatan blokadon... Kion ĉi faros tiam?

El la Seula Kongreso

Maritza Gutiérrez

Kelkaj gravaj decidoj vortodinitaj en la 79a UK-o estas interalie ke elektiĝis nova ĝenerala sekretario de UEA Mark Fettes, ankaŭ estrarano pri Informado kaj Eksteraj Rilatoj. Li devos plenumi la postenon ĝis Tampereco, Finnlando kiam UEA elektos novan estraron kaj komitaton. La antaŭa ĝenerala sekretario Ian Jakson rezignis pro profesiaj devoj.

La komitato de UEA akceptis du novajn Honorajn Membrojn, ili estas sinjorino Ada Fighiera-Sikorska kaj sero Raymon Gonin kies biografioj estis diskonigitaj.

Internacia Ekonomia Fakgrupo (IKEF) estis akceptita kiel aliĝinta faka asocio de UEA dum la Asocio de Verduloj Esperantistaj (AVE) kaj Eŭropa Klubo estis akceptitaj kiel kunlaborantaj fakaj asocioj.

Ankaŭ estis decidite ke la UK-o de la jaro 96 okazos en Prago, Ĉeĥio kaj la kongreso 97 en Adelajdo, Aŭstralio. Krome, la temo de la 80a UK-o en Tampereco, Finnlando estos: "Ni, la popoloj -unu mondo aŭ disaj eroj". Ĝi estos ligita al la 50-jariĝo de Unuigintaj Nacioj. En ĝia traktado oni konsideros formojn de internacia kunlaboro, homajn rajtojn kaj pacon.

UNUA BULTENO

DUA NACIA KONGRESO DE KUBA ESPERANTO-ASOCIO
7-9 DE MARTO 1996

En 1996 la kuba ĉefurbo fariĝos renkontiĝejo de landaj kaj eksterlandaj esperantistoj. Kuba Esperanto-Asocio invitas vin partopreni ĉiun Duan Nacian Kongreson kiu spite al pluraj malfacilaĵoj devenantaj el la krizaj tempoj evidentigos la viglecon kaj vivantecan de la kuba esperantistaro.

La kongresa programo enhavos tradicionan interkongan vesperon kaj kulturklerikan programon, ekspoziciojn, rondtablajn diskutojn pri kernaj temoj de la movado kaj aliaj aranĝoj ligitaj al la kuba realo. En la oficiala programo estas planite okazigi kunsidon kun reprezentantoj de la Amerika regiono.

KEA organizos antaŭkongreson por eksterlandaj kongresantoj, kiuj havos la ŝancon turismi, viziti interesajn centrojn ligitajn al la kuba esperantistaro, partopreni ĵaran kunsidon de la komitatanoj asociataj okazontan inter la 5a-6a de marto kaj ankaŭ renkontos samideanojn el la tuta lando.

Al ĉiuj samideanoj ni petas frue anonci sin kaj plenumi ĉi-kunajn aliĝilon. Aliĝintoj ricevos kompletan programon kun sciigoj pri la evoluo de la kongresaj preparlaboroj.

Kuba Esperanto-Asocio zorgos pri la kongresanoj kaj jam antaŭfaras demarĉojn por atingi favorajn kondiĉojn rilate al gastigado kaj manĝoj.

!KEA invitas vin varme etosi en Havano!

ALIBILO

Rv. resendi al : KUBA ESPERANTO-ASOCIO
poŝta fako 5120 CP 10500
Havano, Kubo

Mi deziras partopreni la kongreson _____

Mi interesiĝas pri la antaŭkongreso _____

NOMO: _____ FAMILINOMO: _____

KORESPONDADRESO: _____

LANDO: _____ PROFESIO: _____